

## Universitätsbibliothek Paderborn

**R. P. D. Henr. Harphii Theologi Eruditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

De perfecta propriæ voluntatis abnegatione, atque de obedientia  
gradibus. Cap. XII.

**urn:nbn:de:hbz:466:1-37362**

ramen tolerat, humiliter recognoscendo se dignum illud (simò etiam multò plura) pati, & patulatim percipiens libertatem gratiae, quæ per hoc acquiritur, voluntatē suam parat ad patienter sufferendam omnē futuram aduersitatem: & hoc modo incipit sibi ipsa tolerantia fieri valde meritoria. Supremus gradus est patientia affectionis, quæ ut cōformis efficiatur Dominicæ passioni, & omnibus, quæ in ipsa contrigerunt, omne contrarium, quod sibi obuiare potest, cum magno desiderio suscipit, & plura semper pati desiderat, dicendo cum Dauid: *Inproperium expectauit (cūlīcēt cūm desiderio) cor meum, & misericordiam.* Et *Psal. 68.* Iūsmodi homines sentiunt magnam abundantiam amoris Dei & dulcedinis, quæ ex ipsa tolerantia exprimitur, fluens per omnes vires animæ, per quam instantum inebriantur in Deo, ut nullum videantur exterritum conuictum, dampnum, vel pœnam sentire. Nam omnē persecutionem, quam patientur, reputant pro adiutorio veniendi ad dilectum; & omnes persecutores diligunt, tanquam veros adiutores ad vitam æternam. O felix anima, quæ ad istud peruenit, quia æter naliter in brachijs Iesu Christi requiesceret.

*De perfecta propriæ voluntatis abnegatione, atque de obedientia gradibus. Cap. XII.*

**D**odecima est perfecta mortificatio omnis propriæ voluntatis in totali voluntaria resignatione, ad omnem internam derelictionem sufferendam propter amorem Dei. Notandum quod nobilissimum eorum, quæ Deus homini contulit, est liberum arbitrium, per quod solum peccata committit, aut virtutes perficit. Et ideo nihil homini tantum nociuu est, q̄ perfici sua vitia propria voluntate. Nam ipsa Voluntas est quasi fundamētum, super quod omnis inordinatio peccatorū congregatur & quiescit: sed si euerterimus hoc fundamentū, corrueat omnes muri Iericho, id est, omnis vitiōse affectionis. Attamen istud non *Iosue 6.* sic intelligas, quasi necessarium sit homini obedientiam vouere, ut ad perfectionē valeat peruenire: sed sicut supra dictum est de voluntaria paupertate, sic etiam hic dico, quia illis necessarium est sub obedientia stare, qui exercitari ab alijs indigent, ut ad perfectionē perueniant, eo quod seipso non bene valeant vincere & mori, propter modicū amorem Dei & tractum, quem in se debilem adhuc sentiunt, & magnum tractum immortificationis & irresignationis, quē adhuc habēt. Itaque quando huiuscemodi hontio bonæ voluntatis est, necesse est ut ad obe dien-

172  
dientiam se obliget, ut ceteris quoque temporibus dum iterum rebellionem & immortificationem naturae sive senserit, ab alijs compellatur seipsum relinquere. Sed qui perfecti sunt, aut si adhuc perfecti non sunt, tamen spiritu Dei & gratia eius atque amore sic aguntur, ut oporteat eos totaliter mori voluntati propriæ, eamque relinquere, & sequi ab intra tractum ac placissimam Dei voluntatem; istis non est necessarium sub obedientia stare & regi, quia sub diuina obedientia stant ad semetipsos relinquendum, & voluntatem Domini secundum omne eorum nosse in omnibus sequendum. Veruntamen necessarium est eis (scilicet perfectis predictis) habere promptam voluntatem standi sub obedientia aliorum, si scirent Deo id magis placere. Propterea qui extra religionis statum remanet, non propter libertatem nature & sensualitatis, sed solummodo ob retinendam libertatem spiritus ad die nocturne propinquius meliusque coniungendum se Deo in omnibus exercitiis spiritualibus, in hoc laudandus est, & non vituperandus: sed oportet ipsum diligenter cauere, ne abutatur libertate sua, sed Dei obedientiam assumat in omnibus modis, utriam prosequar.

Obedientia voti.

Tres itaque sunt obedientiaz gradus. Primus est obedientia voti, quod factum est in professione. Sed multi inteniuntur, qui quamvis operibus ab extra votum obedientiaz impleant, tamen ostendunt multis signis se ad hoc inuoluntarios: nec superioris voluntatem perficere cupiunt, sed ut superior iuxta voluntatem eorum iubeat, exoptat: aliqui rebelles sunt, & murmurant, atque se excusant. Et istis esset multo melius obedientiam non vouisse, eo quod votum ipsis laqueus damnationis factum sit: quia Bernardus dicit, quod qui occulit vel aperit satagit, ut quod ipse vult, hoc ei Praelatus iniungat, ipse se seducit, & frustra sibi blanditur de obedientia Praelatorum. Non enim in ea re ipse Praelato, sed magis ei Praelatus obedit. Secundus gradus est obedientia conformitatis, cum quis non tantum operibus foris obedit, sed etiam voluntatem suam perfectè sui superioris voluntati conformat, in nullo se inuoluntarium ostendendo, vel excusando, vel querulando sibi esse nimis graue vel durum factu, etiam si quandoque appearat contrarium esse sensibus & naturæ. Isto tamen oportet diligenter aduertere, quod obedientia talis licet in operibus perfecta sit, in intentione tamen frequenter imperfecta est, ut cum ex timore obediunt, ne reprehendantur, confundantur, non amentur, vel ne indignationem superiorum incurvant. Aut contra obediunt, ut superioribus placeat,

ab ipsis

Obedientia conformacionis.

ab ipsis cari pendantur, laudentur, exaltentur, vel amentur, ita quod pure Deus solus finis eorum non est, sed quiddam humanum in illo querunt, de quibus Deus locutus est: *Amen dico vobis, et reperit mer- Matth. 7.  
sedem suam.* Et ob hoc satagit inimicus intentionem deprauare, dum opus bonum non potest impedire, vt ipsum per intentionem malā valeat possidere, quia dicit Gregorius: Si autem semel cor inordinatione prava intentionis inficitur, sequentis operis medietas & terminus ab hoste callido securè possideatur. Quoniam totam sibi arborem frustus ferre conspicit, quam veneni dente in radice prava intentionis vitauit. Igitur omnia obedientiae opera quisque ad hoc perficere solun- <sup>Obedientia  
voluntas.</sup>  
modò debet, vt perueniat ad maiorem misericordiam, complacentiā, <sup>opera qua-  
teus exer-  
cada.</sup>  
gratiam, & familiarem vel secretam dilectionem Dei. Et cum totum posse suum fecerit, nihilominus semper debet velle contemni & ab iici à suis superioribus, & omnibus cum quibus conuersatur: quia hoc est signum verax, quod propter Deum duntaxat omnia agat.

Tertius gradus est obedientia vñionis, hoc est: Ut aliquis non solum obediens existat opere & voluntate, verū etiam omnis modus & causa voluntatis sua vñitus sit voluntati præcipientis aut desiderantis. Ista obedientia proprie duntaxat ad Deum est, quia hæc illi à charioribus, familiarioribus seu secretioribus amicis suis exhibetur: quorum voluntas tam perfectè resignatur & vñitur voluntati Dei in in omnibus modis, vt vna voluntas sit facta, ita quod quicquid circa eos Deus fieri permittit, totum ex ordinatione ab ysali amoris & misericordiæ Dei prouenire fateantur, & summo affectu suscipiunt, quicquid cuncti etiam confusum, damnosum, radiosum, vel penosum sit. Notandum est tamen, in hac resignatione voluntatis ac relictione, multos esse gradus: quia reperiuntur qui parati sunt suscipere quicquid <sup>Resignati-</sup>  
<sup>onis gradus.</sup>  
circa eos Deus forinsecus fieri permiserit, dummodò interna gratia, sensibili amore, & spiritus dulcedine frui eos permittat, quo solatio interno facile omnem sufferre possime aduersitatem. Isti adhuc sunt infirmi milites in amore Dei. Breuitatis gratia ceteris gradibus omis- sis, scias quod supremus gradus resignationis voluntatis in placatissimam volūtatem Dei, est quod voluntatis libertas perfectè moriatur propter amorem Dei omni propriæ affectionis sentimento, & tam citò & perfectè diuinam voluntatem sequatur in omnibus, quæ sibi enire possunt in tempore, vel in æternitate, quæadmodum umbra sequitur medium unde causatur. Et ista est summa libertas rationalis

VVV CREATU.

Liberitas su-  
prema rati-  
onalis crea-  
turæ.

creature; diuina voluntate perfui duntaxat: quia per ipsam est homo aeternus, & immutabilis factus in omni quod circa Deum contingere potest, etiam si solus omnes inferni cruciatus ferre deberet, paratus esset propter amorem Dei sine omni cordis retractione. Insuper, per multiplices amorosas affectiones in Deum, inuenit se paratum, nendum ad suscipiendum à Deo tam hilariter omnem internam derelictionem, aut subtractionem sensibilis gratia, devotionis, amoris atq; dulcedinis, sicut ad suscipiendum omnem affluentiam eorundem donorum Dei, vt eius placatissima voluntati vnitus esse possit: verum etiam tam vehementer accensus est ardore essentiali diuini amoris, quod ex intimo cordis sui exoptat stare toto tempore vita sua sine omni sensibili amore & gratia, cum solo nudo essentiali amore in omni interna derelictione, & cordis angustia sibi euenire possibilibus, non affectando quamcunque internam consolationem deo, quamlibet spiritualis exillat: quia super omnia desiderat in derelictione festim imitari, qui est status perfectissimus. Sic enim Iesus, dum maximam perfectionem opere adimplere deberet, adeò derelictus erat ab illo tempore, quo in horto orabat antequam caperetur, usq; ad mortem suam, ab omni affluentia sensibilis amoris, gratia, atque dulcedinis (trans duntaxat in nudo essentiali amore) ac si non amicus, sed inimicus Dei fuisset: & hoc ideo, ut sua pena & opera maiora essent, & essentialis situs amor magis probatus. Nam istud est excellentissimum virtutis opus, quod in terris Christus ostendit, & quod possit aliquis homo imitari. Ea propter nimis sunt inconsiderati, qui se adeò inuoluntarios ac tardios exhibent, & contrastantur valde, cum ipsis subrahitur internus diuinus influxus: quia latenter hoc propter Dei amorem sufferre, signum est puri amoris, & est sola via, qua ad veram perducit perfectionem. O felix anima, qua hoc modo moritur sibiipsum, quam nuda ab affectionibus efficitur peregrinis, quam quieta corde, quam pura à peccatis, quam libera à penitentia, quam aliena ab omni timore, ornata omni virtute, clarificata in intellectu, eleuata in spiritu, unita Deo, & aeternaliter beatificata.

Hactenus de primo, qualiter scilicet fieri oporteat perfectam mortificationem omnium, quæ aliquid impedimentum possent praestare, quo minus Deo appropinquare, & cum eo vñiri possemus, dictu sufficiat.

D. HEN.